



YSGOL GYNRADD GYMRAEG BRYN-Y-MÔR

Pennaeth/ Headteacher: Mrs Elin Wakeham

Mewn undod mae nerth /Stronger together

11.12.20

Annwyl Riant / Gofalwr

Rwy'n siŵr bod gennych chi, fel ninnau y staff, deimladau a meddyliau cymysg iawn ynglŷn â'r symudiad sydyn i ddysgu ar-lein / cyfunol. Un peth y mae'n rhaid i ni ei gadw mewn cof yw'r rheswm ar gyfer y penderfyniadau hyn. Y pandemig byd-eang, y firws covid 19. Rwy'n siŵr eich bod i gyd wedi gweld y newyddion sy'n adrodd ein bod fel cenedl ar hyn o bryd, mewn sefyllfa drychinebus gyda chyfradd heintiau'n codi bob dydd a gallai'r pwysau ar y GIG fod yn llethol yn fuan. Mae'r firws yn lledaenu, ac mae'r Awdurdod Lleol a Llywodraeth Cymru wedi gwneud y penderfyniadau hyn i geisio amddiffyn ein cymunedau a'n teuluoedd. Mae pob penderfyniad a wneir yn ystod yr amseroedd digynsail hyn yn anodd gan fod gan unrhyw benderfyniad â chanlyniadau amrywiol.

Rwy'n gwbl ymwybodol y bydd gan y plant deimladau cymysg iawn ynglŷn â hwn fel eu diwrnod olaf o'r tymor **yn yr ysgol**. Rwy'n siŵr y byddant yn colli gweld eu hathrawon a'u ffrindiau. Efallai eu bod yn siomedig y byddant yn colli eu Parti Nadolig. OND mae y ffilm animeiddio yn barod a mi fydd yn cael ei rannu heddiw. Cadwch olwg ar Trydar.

Ar adegau fel hyn, rhaid i ni godi ein llygaid i'r gorwel ac edrych i'r dyfodol a'r gobaith y bydd y brechlyn newydd yn caniatáu inni ddychwelyd i ryw fath o normalrwydd cyn gynted â phosibl. Fel y mae, y tymor hwn, mae gennym gyfradd heintiau gymharol isel yn yr ysgol ac ar gyfer y mwyafrif o ddisgyblion, maent wedi derbyn bron i dymor llawn o addysg! **Mae hynny ynddo'i hun yn rheswm i ddathlu.** Trwy ynysu cyn y Nadolig, mae hefyd yn ein amddiffyn rhag yr angen i hunan-ynysu o ganlyniad i ddod i gysylltiad â haint posibl yn yr ysgol. Yn ystod yr wythnosau sydd i ddod, fe'ch anogaf i gyd i ddilyn canllawiau y llywodraeth i sicrhau eich bod i gyd yn cael gwyliau Nadolig diogel a hapus gyda'ch gilydd.

Yr wythnos nesaf, **bydd disgwyl i ddisgyblion barhau i ymgysylltu â'u haddysg.** Bydd athrawon yn darparu gwybodaeth i chi. Bydd gan blant eu manylion cyfrif mewngofnodi HWB. Os nad oes gennych ddyfais electronig a fydd yn caniatáu i'ch plentyn ymgysylltu â dysgu ar-lein, cysylltwch â'r ysgol ar unwaith fel y gallwn drefnu eich bod yn benthyg dyfais. Oherwydd y cyfnod byr rhybudd, gofynaf i chi fod yn amyneddgar gyda staff wrth iddynt uwchlwytho gwaith ar HWB. Ni roddwyd llawer o amser iddynt baratoi.

Bydd y ddarpariaeth gofal plant brys ar gael yr wythnos nesaf i'r rhieni hynny a oedd yn gymwys yn nhymor yr haf. Os ydych chi'n teimlo eich bod chi'n cwrdd â'r meini prawf, cysylltwch â'r ysgol. Bydd y gofal plant yn rhedeg rhwng 8.30 am a 3.30pm. Rhaid i'r plant ddod â'u bwyd a'u diodydd eu hunain. Mae dolen archebu wedi'i hanfon at y rhieni hynny. Rhaid i chi archebu lle i'ch plentyn, gan y byddwn yn staffio'r gofal plant yn ôl y niferoedd hynny. Rhaid i chi beidio ag anfon eich plentyn i'r ysgol oni bai eich bod wedi archebu lle ar eu cyfer.

Ysgol Gynradd Gymraeg Bryn y Môr, St Albans Road, Brynmill, Swansea, SA2 0BP

E-bost/ E-mail: yggbrynmor@swansea-edunet.gov.uk

Gwefan/ Website: www.yggbrynmor.co.uk

Trydar/Twitter: @YGGBrynmor1

Ffôn/ Tel: 01792 466354





YSGOL GYNRADD GYMRAEG BRYN-Y-MÔR

Pennaeth/ Headteacher: Mrs Elin Wakeham

Mewn undod mae nerth /Stronger together

Ni fydd Clwb Gofal Bryn y Môr na'r clwb brecwast yn cael ei gynnal wythnos nesaf.

Fel yr arfer, mae staff yr ysgol yma i'ch cefnogi os bydd ei angen arnoch chi.

Diolch am eich amynedd a'ch cydweithrediad.

Yn gywir,

Elin Wakeham
Head teacher

Ysgol Gynradd Gymraeg Bryn y Môr, St Albans Road, Brynmill, Swansea, SA2 0BP

E-bost/ E-mail: ygg.brynymor@swansea-edunet.gov.uk

Gwefan/ Website: www.yggbrynymor.co.uk

Trydar/Twitter: @YGGBrynymor1

Ffôn/ Tel: 01792 466354

